

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI RABU, 25 OKTOBER 2023, PUKUL 10.00 PAGI

Bil. 60

PERTANYAAN-PERTANYAAN BAGI JAWAB LISAN

1. PR-1523-L21401
Tuan Edwin anak Banta [Selangau] minta **MENTERI PERTANIAN DAN KETERJAMINAN MAKANAN** menyatakan bagaimana Kementerian memperkasakan belia dalam bidang pertanian moden dan ke arah membangunkan usahawan muda.
2. PR-1523-L21908
Ir. Ts. Haji Khairil Nizam bin Khirudin [Jerantut] minta **MENTERI KERJA RAYA** menyatakan :
 - (a) apa rancangan jangka masa pendek dan jangka masa panjang Kerajaan agar kesesakan lebuh raya seperti di Tol Bentong dan Tol Gombak dapat dikurangkan; dan
 - (b) adakah Kerajaan bersetuju sekiranya lampu solar dipasang di lebuh raya yang tidak mempunyai lampu jalan.
3. PR-1523-L21269
Dato' Sri Richard Riot anak Jaem [Serian] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah tindakan diambil untuk membina struktur Penahanan Tebing Batang Sadong di Kampung Hilir Serian yang sudah runtuh dan merbahaya.
4. PR-1523-L22325
Dr. Ahmad Fakhruddin bin Fakhurrazi [Kuala Kedah] minta **MENTERI PERTANIAN DAN KETERJAMINAN MAKANAN** menyatakan :
 - (a) pelan tindakan bagi meningkatkan sumber protein berasaskan hidupan laut yang menjadi keperluan rakyat; dan

(b) strategi mapan bagi meningkatkan hasil pendapatan nelayan darat terutamanya di negeri Kedah.

5. PR-1523-L22366

Tuan Chong Zhemín [Kampar] minta **MENTERI KERJA RAYA** menyatakan status pembinaan lebuhraya WISE di Perak dan bilakah kerja pembinaan akan bermula.

6. PR-1523-L22666

Dato' Wira Dr. Ku Abd Rahman bin Ku Ismail [Kubang Pasu] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan langkah Kerajaan bagi mengurangkan *Non-Revenue Water* (air tidak terhasil) bagi negeri-negeri yang peratusnya lebih tinggi dari purata nasional (37.2%) seperti negeri Kedah.

7. PR-1523-L21051

Tuan Onn bin Abu Bakar [Batu Pahat] minta **MENTERI EKONOMI** menyatakan tentang Indeks harga pengguna telah menurun berterusan sehingga ke paras paling rendah iaitu 2%. Pihak pengguna terus resah mendakwa harga barang terus meningkat. Mengapa hal ini berlaku dan bolehkah dijelaskan kategori barangan dan perkhidmatan yang mempengaruhi indeks tersebut.

8. PR-1523-L22273

Dr. Siti Mastura binti Muhammad [Kepala Batas] minta **MENTERI PELANCONGAN, SENI DAN BUDAYA** menyatakan apakah terdapat perancangan Kementerian untuk menambah lagi cawangan di setiap negeri bagi merancakkan industri pelancongan.

9. PR-1523-L21837

Puan Rodziah binti Ismail [Ampang] minta **MENTERI SUMBER MANUSIA** menyatakan sebarang perancangan mewajibkan syarikat perladangan menyediakan skim pemilikan rumah buat pekerja ladang warganegara, lengkap dengan tabung khas sebagai salah satu jaringan keselamatan sosial kerana meskipun disediakan kuarters semasa dalam tempoh perkhidmatan, mereka tiada rumah milik sendiri selepas berhenti atau bersara.

10. PR-1523-L22199

Tuan Mohd Syahir bin Che Sulaiman [Bachok] minta **MENTERI PERTANIAN DAN KETERJAMINAN MAKANAN** menyatakan inisiatif Kementerian untuk menggalakkan model "pertanian pintar" dalam industri pertanian negara, khususnya sektor padi dan kelapa sawit, bagi membantu petani dan peladang mengoptimalkan input dan memaksimumkan output, di samping penghasilan data dengan pantas dan tepat.

11. PR-1523-L21863

Tuan Manndzri bin Nasib [Tenggara] minta **MENTERI KEMAJUAN DESA DAN WILAYAH** menyatakan apakah usaha serta langkah-langkah yang diambil oleh pihak Kementerian bagi mengatasi peningkatan kadar migrasi belia luar bandar ke kawasan bandar yang mampu mengakibatkan peningkatan jurang ekonomi di kawasan luar bandar serta peningkatan kadar miskin bandar.

12. PR-1523-L22624

Dato' Rosol bin Wahid [Hulu Terengganu] minta **MENTERI KERJA RAYA** menyatakan langkah dilakukan pengendali lebuh raya untuk memastikan keselamatan pengguna daripada risiko kemalangan yang boleh mengakibatkan kehilangan nyawa, kerosakan kenderaan dan kecederaan pengguna akibat keberadaan objek seperti serpihan tayar lori di atas jalan raya.

13. PR-1523-L21886

Tuan Jimmy Puah Wee Tse [Tebrau] minta **MENTERI EKONOMI** menyatakan :

- (a) pencapaian program Inisiatif Pendapatan Rakyat (IPR) semenjak ianya dilancarkan sehingga tahun 2023; dan
- (b) berapa jumlah rakyat Malaysia yang telah menerima manfaat daripada program Inisiatif Pendapatan Rakyat (IPR) sehingga bulan September tahun 2023.

14. PR-1523-L22443

Dr. Abd Ghani bin Ahmad [Jerlun] minta **MENTERI PENDIDIKAN TINGGI** menyatakan mengapa Institusi Pengajian Tinggi Awam (IPTA) yang ada di Kedah dilarang menyertai program-program pendidikan yang dianjurkan oleh Kerajaan Negeri Kedah.

15. PR-1523-L21791
Tuan Cha Kee Chin [Rasah] minta **MENTERI PERTANIAN DAN KETERJAMINAN MAKANAN** menyatakan apakah punca-punca utama berlakunya masalah kekurangan bekalan beras putih tempatan sejak bulan lepas dan apakah langkah-langkah mitigasi dan intervensi yang telah dan akan dilakukan oleh Kementerian untuk mengatasi masalah ini. Apakah status terkini masalah kekurangan bekalan ini.
16. PR-1523-L22147
Dato' Dr. Ahmad Yunus bin Hairi [Kuala Langat] minta **MENTERI EKONOMI** menyatakan status program Inisiatif Pendapatan Rakyat (IPR) sehingga hari ini, termasuk program *vending machine* nasi lemak.
17. PR-1523-L22697
Tuan Wong Kah Woh [Taiping] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan strategi Kerajaan untuk mencapai sasaran terpilih KSP RMK-12 yang menetapkan 31% kapasiti terpasang tenaga boleh baharu dengan mengambil kira sumber tabung TBB yang akan menjadi semakin berkurangan.
18. PR-1523-L21979
Tuan Haji Mohd Misbahul Munir bin Masduki [Parit Buntar] minta **MENTERI PERTANIAN DAN KETERJAMINAN MAKANAN** menyatakan langkah-langkah pihak Kementerian bagi memastikan sumber air untuk pertanian di Parit Buntar khususnya dan daerah Kerian umumnya mencukupi bagi menampung keperluan hasil pertanian.
19. PR-1523-L22684
Datuk Jonathan Yasin [Ranau] minta **MENTERI KEMAJUAN DESA DAN WILAYAH** menyatakan jalan dari simpang Ranau Kota Marudu ke Togop Laut - Togop Darat - Tibabar - Lobou Keiyip - Nawanon - Gunsapou - Kg Tagibang berkeadaan sangat daif dan meminta pihak Kementerian untuk menaiktarafkan pembinaan jalan ini untuk kemudahan rakyat.
20. PR-1523-L22109
Puan Hajah Salamiah binti Mohd Nor [Temerloh] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan berapa peratus jumlah tanah dan aset yang telah menjadi milik kekal pada warga asing atau syarikat asing mengikut negeri-negeri di seluruh negara bermula tahun 2020 sehingga 2023.

21. PR-1523-L22200

Tuan Yuneswaran A/L Ramaraj [Segamat] minta **MENTERI EKONOMI** menyatakan inisiatif yang sedang difokuskan dalam mengetengahkan serta mempromosikan potensi-potensi ekonomi yang dimiliki oleh daerah-daerah yang menganggotai Wilayah Ekonomi Pantai Timur (ECER) termasuk daerah Segamat yang kini sedang melalui proses memuktamadkan status ECER.

22. PR-1523-L21941

Datuk Iskandar Dzulkarnain bin Abdul Khalid [Kuala Kangsar] minta **MENTERI SUMBER MANUSIA** menyatakan inisiatif yang akan dilaksanakan oleh Kementerian bagi menggalakkan majikan dan pihak industri untuk menghantar lebih ramai pekerja tempatan dan asing untuk mendapatkan pasport keselamatan dalam usaha mengurangkan kadar kemalangan di tempat kerja.

23. PR-1523-L21391

Tuan Chow Kon Yeow [Batu Kawan] minta **MENTERI PELABURAN, PERDAGANGAN DAN INDUSTRI** menyatakan insentif yang diberikan kepada pihak Kerajaan negeri untuk membangunkan taman-taman perindustrian yang pintar, moden dan mampan dalam usaha menarik pelaburan secara berterusan.

24. PR-1523-L22672

Dato' Wira Dr. Ku Abd Rahman bin Ku Ismail [Kubang Pasu] minta **MENTERI EKONOMI** menyatakan langkah yang akan diambil Kerajaan bagi merapatkan jurang ekonomi antara lima buah negeri maju (Kuala Lumpur, Selangor, Johor, Melaka dan Pulau Pinang) dengan sembilan buah negeri kurang maju (Terengganu, Negeri Sembilan, Kedah, Pahang Sarawak, Sabah, Kelantan, Perak dan Perlis). Ini memandangkan 62% daripada KDNK negara disumbangkan oleh lima buah negeri maju dan jurang pendapatan isi meningkat dari RM2,593 pada 2009 kepada RM6,369 pada 2022.

25. PR-1523-L21118

Datuk Seri Johari bin Abdul Ghani [Titiwangsa] minta **MENTERI EKONOMI** menyatakan jumlah peserta bagi Inisiatif Pendapatan Rakyat (IPR) setakat ini dan peratusan mengikut sektor di bawah IPR dan jumlah peserta yang berjaya merealisasikan objektif IPR.

26. PR-1523-L22210

Datuk Haji Ahmad Amzad bin Mohamed @ Hashim [Kuala Terengganu] minta **MENTERI EKONOMI** menyatakan perincian yang mendalam tentang pelaksanaan dasar gaji progresif seperti yang tertera di dalam dokumen Kajian Separuh Penggal RMK-12.

27. PR-1523-L21426

Datuk Seri M. Saravanan [Tapah] minta **MENTERI SUMBER MANUSIA** menyatakan apakah gaji minimum RM1,500 masih dikekalkan di bawah kerangka dasar dan apakah langkah-langkah KSM dalam memastikan sistem gaji progresif merupakan peralihan daripada model pemberian upah minimum kepada kenaikan gaji secara berperingkat dan berfasa supaya ia setanding dengan pertumbuhan ekonomi negara dan apakah KSM bercadang menggubal Akta Iklan Gaji agar majikan lebih telus dengan mewajibkan mereka meletakkan tangga gaji dalam iklan pekerjaan yang ditawarkan agar tidak berlaku manipulasi kepada calon-calon pekerja.

28. PR-1523-L21305

Dato' Sri Doris Sophia anak Brodi [Sri Aman] minta **MENTERI PERTANIAN DAN KETERJAMINAN MAKANAN** menyatakan adakah Kementerian mempunyai sebarang perancangan kerjasama dengan Kerajaan Sarawak bagi membangunkan industri pertanian di Sri Aman agar dapat meningkatkan produktiviti negara kita untuk memastikan *food security* atau keselamatan kecukupan makanan lebih terjamin untuk negara kita.

29. PR-1523-L21371

Dato' Sri Sh Mohmed Puzi bin Sh Ali [Pekan] minta **MENTERI EKONOMI** menyatakan pada tahap manakah kesediaan negara dalam mendepani era Revolusi Industri 4.0 (IR 4.0) terutamanya yang melibatkan jurang antara pekerjaan dengan kemahiran digital dan teknologi yang masih ketara.

30. PR-1523-L22157

Datuk Larry Soon @ Larry Sng Wei Shien [Julau] minta **MENTERI PERTANIAN DAN KETERJAMINAN MAKANAN** menyatakan adakah sudah ada inisiatif Kementerian dalam mengadakan kerjasama dengan syarikat-syarikat swasta atau GLC di seluruh negara dengan memfokuskan kepada sektor bidang pertanian atau tanaman yang boleh menambahkan hasil pengeluaran produk berasaskan makanan ruji rakyat Malaysia sebagai langkah usaha untuk mengurangkan sumber eksport makanan luar negara.

31. PR-1523-L22661

Dato' Azman bin Nasrudin [Padang Serai] minta **MENTERI PERTANIAN DAN KETERJAMINAN MAKANAN** menyatakan secara lengkap dan terperinci jumlah pengeluaran beras putih tempatan bagi tahun 2020, 2021, 2022 dan musim 1/2023, mengikut negeri-negeri di Malaysia atau mengikut kawasan jelapang tanaman padi di Malaysia seperti MADA, IADA dan sebagainya. Berapa peratuskah pengeluaran tahun-tahun tersebut berdasarkan nilai SSL negara.

32. PR-1523-L21640

Tuan Suhaizan bin Kaiat [Pulai] minta **MENTERI EKONOMI** menyatakan perkembangan pembangunan Sistem Pengkalan Data Utama (PADU) dan apakah halangan-halangan yang dihadapi memandangkan ia melibatkan rentas Kementerian dan Kerajaan negeri yang tidak pernah berjaya dilaksanakan sebelum ini.

33. PR-1523-L22611

Datuk Muslimin bin Yahaya [Sungai Besar] minta **MENTERI PERTANIAN DAN KETERJAMINAN MAKANAN** menyatakan langkah dan tindakan drastik yang telah diambil oleh Kementerian menerusi agensi FAMA dalam usaha memerangi monopoli kartel 'Orang Tengah' dalam menentukan bekalan harga barangan dan sayuran di pasaran.

34. PR-1523-L22409

Tuan Wong Chen [Subang] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan :

- (a) anggaran jumlah sisa panel solar menjelang 2050; dan
- (b) rancangan Kerajaan untuk pengurusan *end-of-life* untuk panel solar.

35. PR-1523-L21758

Datuk Seri Panglima Haji Mohd Shafie bin Haji Apdal [Semporna] minta **MENTERI PELANCONGAN, SENI DAN BUDAYA** menyatakan langkah-langkah yang diambil bagi meneroka potensi dan membangunkan produk pelancongan bertaraf antarabangsa di Pantai Timur Sabah serta peruntukan yang disediakan bagi setiap daerah di sini di bawah Rancangan Malaysia Ke-11 dan Rancangan Malaysia Ke-12.

36. PR-1523-L22559

Dato' Ahmad bin Saad @ Yahaya [Pokok Sena] minta **MENTERI EKONOMI** menyatakan perincian setiap peruntukan RM1.6 bilion projek pembangunan negeri Kedah serta jelaskan sama ada projek tersebut projek sambungan atau projek baharu.

37. PR-1523-L22367
Tuan Chong Zhemin [Kampar] minta **MENTERI PELANCONGAN, SENI DAN BUDAYA** menyatakan menjelaskan usaha-usaha Kementerian untuk membantu Kerajaan Negeri Perak untk mempromosikan tahun melawat Perak 2024.
38. PR-1523-L21697
Dato' Khliir bin Mohd Nor [Ketereh] minta **MENTERI PERTANIAN DAN KETERJAMINAN MAKANAN** menyatakan tindakan yang dilaksanakan bagi membendung kenaikan harga barangan asas terutama beras yang semakin membebaskan rakyat.
39. PR-1523-L21573
Puan Vivian Wong Shir Yee [Sandakan] minta **MENTERI PERTANIAN DAN KETERJAMINAN MAKANAN** menyatakan adakah Kementerian bercadang untuk menamatkan monopoli semasa yang dipegang oleh Padi Beras Nasional Berhad (BERNAS) bagi memperkenalkan lebih banyak persaingan untuk beras import.
40. PR-1523-L22336
Dr. Ahmad Fakhruddin bin Fakhrurazi [Kuala Kedah] minta **MENTERI PENDIDIKAN TINGGI** menyatakan pendirian Kementerian terhadap keterlibatan para pelajar IPT dengan program-program anjuran pejabat Exco Kerajaan negeri atau agensi Kerajaan yang berkaitan.
41. PR-1523-L21308
Puan Syerleena binti Abdul Rashid [Bukit Bendera] minta **MENTERI PERTANIAN DAN KETERJAMINAN MAKANAN** menyatakan '*panic buying*' berlaku akibat tindakan tidak bertanggungjawab pihak pembangkang dengan menularkan kenaikan harga beras import dan ketiadaan stok beras tempatan. Antara langkah pengawalan '*panic buying*', Kementerian telah mengehadkan pembelian beras tidak melebihi 100kg sebulan setiap individu, bagaimanakah mekanisme Kementerian dalam memastikan pengawalan ini terlaksana.
42. PR-1523-L22247
Tan Sri Haji Abdul Hadi bin Awang [Marang] minta **MENTERI PELABURAN, PERDAGANGAN DAN INDUSTRI** menyatakan apakah persepsi pelabur asing dan masyarakat antarabangsa selepas Kerajaan melepaskan tanpa membebaskan (DNAA) terhadap Timbalan Perdana Menteri daripada 47 kes rasuah dan salah guna kuasa.

43. PR-1523-L21409

Puan Isnaraissah Munirah Majilis [Kota Belud] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah alternatif bagi penambahan kapasiti penjanaan tenaga yang bersifat segera dan *fast track* selain daripada Karpowership bagi memulihkan rizab margin di Sabah dan lebih selari dengan Pelan Hala Tuju Peralihan Tenaga (NETR).

44. PR-1523-L21139

Dato' Muhammad Bakhtiar bin Wan Chik [Balik Pulau] minta **MENTERI PENDIDIKAN TINGGI** menyatakan apakah kemajuan yang telah dicapai oleh Kerajaan untuk menarik pelajar asing bagi mengikuti kursus-kursus di universiti awam dan Institusi Pengajian Tinggi Swasta (IPTS) serta menjadikan Malaysia sebagai Hub Pendidikan Serantau.

45. PR-1523-L21203

Tuan William Leong Jee Keen [Selayang] minta **MENTERI PERTANIAN DAN KETERJAMINAN MAKANAN** menyatakan bahawa kita sedia maklum bahawa inovasi hanya boleh dicapai melalui proses persaingan yang sihat. Oleh itu, apakah usaha yang telah dijalankan oleh Kementerian dalam menggalakkan persaingan khususnya bagi memastikan bahawa inovasi bagi biji benih dapat dioptimumkan.

46. PR-1523-L21830

Tuan Tan Kar Hing [Gopeng] minta **MENTERI EKONOMI** menyatakan kesesuaian dasar gaji progresif di Malaysia, termasuk tinjauan majikan, kesan kos tambahan terhadap pasaran setelah mengambil kira kelemahan kesatuan sekerja dalam negara.

47. PR-1523-L21432

Tuan Lim Guan Eng [Bagan] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan nilai nadir bumi yang boleh dilombong di Malaysia dan apakah nilai *downstream* selepas diproses serta memandangkan sisanya adalah amat toksik, nyatakan jaminan untuk memastikan semua kawalan alam sekitar dipatuhi demi keselamatan dan kesihatan rakyat.

48. PR-1523-L22465

Tuan Lee Chuan How [Ipoh Timor] minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan apakah kajian-kajian daripada universiti terkemuka tempatan yang menyumbang ke arah kelestarian REE sekiranya dibangunkan di Malaysia.

49. PR-1523-L21625

Puan Rodiyah binti Sapiee [Batang Sadong] minta **MENTERI PERTANIAN DAN KETERJAMINAN MAKANAN** menyatakan apakah inisiatif tambahan atau galakan yang boleh diberi kepada pekebun kecil atau mikro (sebagai contoh padi dan ternakan) untuk memastikan hasil dan produktiviti mereka yang "berselerak dan mempunyai masalah logistik pemasaran" dapat dibangunkan untuk memenuhi keterjaminan makanan negara dan kos sara hidup yang meningkat.

50. PR-1523-L21224

Tuan Fong Kui Lun [Bukit Bintang] minta **MENTERI PELANCONGAN, SENI DAN BUDAYA** menyatakan jumlah ketibaan pelancong asing ke negara kita sepanjang 2023 dan usaha untuk mengatasi halangan-halangan ketibaan lebih ramai pelancong asing.

51. PR-1523-L22256

Dato' Seri Hishammuddin bin Tun Hussein [Sembrong] minta **MENTERI PELABURAN, PERDAGANGAN DAN INDUSTRI** menyatakan adakah berita yang dilaporkan oleh Nikkei Asia bertarikh 1 Ogos 2023 bahawa Kerajaan Malaysia telah memberikan insentif kepada Tesla seperti pembenaran 100% pemilikan asing dan pengecualian cukai-cukai import, eksais dan jualan kereta yang diimport dari kilang Tesla di Shanghai adalah benar.

52. PR-1523-L22072

Datuk Andi Muhammad Suryady bin Bandy [Kalabakan] minta **MENTERI PENDIDIKAN TINGGI** menyatakan apakah pihak Kementerian bercadang untuk mewajibkan institusi pengajian tinggi memberikan kelonggaran pembayaran penuh yuran pendaftaran universiti kepada siswa baharu memandangkan kos kemasukan ke institusi pengajian tinggi agak tinggi melibatkan urusan barangan keperluan diri, buku rujukan dan laptop.

53. PR-1523-L22690

Datuk Willie anak Mongin [Puncak Borneo] minta **MENTERI KEMAJUAN DESA DAN WILAYAH** menyatakan bilakah projek Jambatan Kpg Sebeban - Gedong yang telah diluluskan akan dilaksanakan dan apakah status permohonan bina baru jambatan Kpg Tanah Puteh.

ATURAN URUSAN MESYUARAT DAN USUL-USUL

1. (D.R. 31/2023) Rang Undang-undang Perbekalan 2024 - **Menyambung semula perbahasan atas masalah, "Bahawa Rang Undang-Undang ini dibacakan kali yang kedua sekarang," (24 Oktober 2023)**

DAN

Usul dibuat oleh YAB Menteri Kewangan dan masalah dicadangkan :-

"Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari sembilan puluh dua bilion ringgit (RM92,000,000,000) dibelanjakan daripada Kumpulan Wang Pembangunan bagi tahun 2024, dan bagi tujuan dan butiran Perbelanjaan Pembangunan yang dinyatakan di bawah Maksud Pembangunan atau ("P") dalam senarai Anggaran Perbelanjaan Persekutuan 2024, yang dibentangkan sebagai Kertas Perintah 34 Tahun 2023, adalah diuntukkan di bawah Maksud-maksud yang berkenaan jumlah-jumlah yang bersestentangan dengan butiran-butiran itu di ruangan enam dan tujuh senarai tersebut."

Menyambung semula perbahasan atas masalah (24 Oktober 2023)

2. (D.R. 33/2023) Rang Undang-Undang Syarikat (Pindaan) 2023 - **Menyambung semula perbahasan atas masalah, "Bahawa Rang Undang-undang ini dibacakan kali yang kedua sekarang," (12 Oktober 2023)**

[Menteri Perdagangan Dalam Negeri dan Kos Sara Hidup]

3. (D.R. 25/2023) Rang Undang-Undang Kawalan Produk Merokok Demi Kesihatan Awam 2023 – **Bacaan Kali Yang Kedua**

Dan;

Pengerusi Jawatankuasa Pilihan Khas Kesihatan oleh Yang Berhormat Datuk Seri Dr. Dzulkefly bin Ahmad, Ahli Parlimen Kuala Selangor akan mencadangkan :

"BAHAWA Penyata yang disiapkan oleh Jawatankuasa Pilihan Khas Kesihatan untuk mengkaji Rang Undang-Undang Kawalan Produk Merokok Demi Kesihatan Awam 2023, yang dibentangkan dalam Majlis ini sebagai Kertas DR. 8 Tahun 2023 diperkenankan mengikut Peraturan Mesyuarat 60".

4. (D.R. 26/2023) Rang Undang-Undang Makanan (Pindaan) 2023. **Bacaan Kali Yang Kedua**
[Menteri Kesihatan]

5. PR-1523-U(27)278
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk segera menangani isu gangguan bekalan beras putih tempatan (BPT) di pasaran yang kian meruncing susulan tindakan India menghentikan eksport beras putihnya ke pasaran.

Langkah penetapan had pembelian maksimum 100kg BPT untuk setiap individu dan syarikat bermula 7 September 2023 hanyalah penyelesaian yang bersifat sementara dan Kerajaan seharusnya mula merangka satu pelan yang lebih tuntas dalam usaha menjamin keterjaminan bekalan beras di Malaysia bagi jangka masa yang panjang.

Kerajaan perlu segera mewujudkan rangka tindakan yang lebih komprehensif bagi mengurangkan impak inflasi makanan global dari terus menghimpit rakyat negara ini khususnya berkaitan beras yang menjadi makanan ruji kita semua."

[Menteri Pertanian dan Keterjaminan Makanan]

6. PR-1523-U(27)279
Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan mencari penyelesaian untuk mengurangkan kos pengambilan pekerja asing yang kian melambung tinggi. Kebergantungan majikan tempatan terhadap pekerja asing berbanding pekerja tempatan di negara ini bukanlah perkara asing terutama dalam sektor 3D (*dirty, dangerous and difficult*).

Maka, adalah penting untuk mewujudkan satu dasar yang lebih komprehensif bagi mengurangkan kebergantungan terhadap pekerja asing agar pekerja tempatan diberi keutamaan terlebih dahulu dengan reformasi terhadap ekosistem sektor 3D meliputi kadar gaji, faedah dan sebagainya yang berpadanan dengan risiko pekerjaan perlu diimplementasikan secara berseiringan."

[Menteri Dalam Negeri]

7. PR-1523-U(27)280

Datuk Seri Ir. Dr. Wee Ka Siong [Ayer Hitam] akan mencadangkan :

"Bahawa Dewan Rakyat ini menggesa Kerajaan untuk mewujudkan satu dasar mengutamakan sajian menu buah-buahan tempatan di semua majlis rasmi Kerajaan sebagai galakan dan sokongan kepada pemain industri buah-buahan tempatan serta ke arah membudayakan amalan pemakanan sihat.

Adalah menjadi tanggungjawab Kementerian bagi membantu pengusaha buah-buahan tempatan untuk memasarkan serta mempromosi hasil ladang mereka dan sekali gus meningkatkan pendapatan. Maka melalui sajian menu buah-buahan di kesemua majlis rasmi Kerajaan perlu dibudayakan sepenuhnya sebagai sokongan terhadap industri buah-buahan tempatan.

[Menteri Pertanian dan Keterjaminan Makanan]

8. PR-1523-U(27)281

Dato' Indera Mohd Shahr bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan perancangan jangka masa panjang yang menyeluruh dalam memastikan Jumlah Kadar Kesuburan (Total Fertility Rate) bagi rakyat Malaysia terus meningkat.

Negara kita telah beralih ke status negara menua pada tahun 2021. Hal ini kerana peratusan penduduk berusia 65 tahun dan ke atas telah mencapai 7% daripada jumlah populasi. Trend ini menunjukkan peningkatan dalam dua tahun lalu pada kadar 0.2 peratus setahun di mana pada tahun 2022 sebanyak 7.2% dan dijangka pada tahun 2023 mencapai 7.4%.

Dalam tempoh dua dekad lagi, negara dijangka beralih kepada negara tua apabila kohort umur yang sama mencapai 14% daripada jumlah populasi. Peralihan ini tentunya memberikan kesan yang paling ketara iaitu kepada penurunan trend populasi pekerja dan produktiviti. Bagi menghadapi cabaran dan dampak negara menua, kita perlu mencari jalan memperlahankan proses penuaan ini. Proses penuaan ini tidak boleh dihalang atau diberhentikan tetapi kita perlu mempunyai pelan persediaan bagi menghadapi situasi tersebut.

Jika kita teliti jumlah peratusan struktur umur penduduk yang berumur 0-14 tahun berlaku penurunan pada kadar 0.4% bagi 3 tahun iaitu ; tahun 2020 sebanyak 24%, 2021 sebanyak 23.6%, 2022 sebanyak 23.2%, dan 2023 sebanyak 22.6%.

Umum mengetahui negara-negara jiran dan serantau juga menghadapi perkara penurunan bagi jumlah kadar kesuburan, tetapi kadar tersebut agak perlahan penurunannya. Sehubungan itu, objektif kita agar dapat melandaikan graf penurunan ini bagi negara kita.

Persoalan saya, apakah kemampuan hospital Kerajaan dalam meningkatkan kemampuan kesihatan reproduktif. Berapa jumlah Hospital yang menyediakan perkhidmatan IUI dan IVF. Berapa ramai doktor pakar reproduktif masih berkhidmat di hospital Kerajaan. Adakah harga perkhidmatan yang dikenakan mampu diakses oleh rakyat. Berapa jumlah makmal reproduktif.

Dewan Rakyat juga perlu mencadangkan agar Kerajaan menetapkan polisi yang mampan seperti fleksibel waktu bekerja, yuran pusat penjagaan kanak yang mampu bayar, perbanyakkan pusat asuhan ditempat kerja, dan *paternity leave* kepada ibu bapa yang bekerja untuk meringankan bebanan mereka dalam meningkatkan kadar reproduktif rakyat Malaysia. *Population Complexity* ini yang harus kita uruskan dengan penuh keberanian dan semua pihak kena bersama-sama."

[Menteri Pembangunan Wanita, Keluarga dan Masyarakat]

9. PR-1523-U(27)283

Dato' Indera Mohd Shahar bin Abdullah [Paya Besar] akan mencadangkan :

"Bahawa Dewan Rakyat menggesa Kerajaan untuk membentangkan sebuah Kertas Putih Imigresen yang membincangkan tentang kadar atau jumlah sebenar kemasukan pelawat asing ke negara Malaysia.

Perkara ini bertujuan untuk mengetahui pergerakan pelawat asing berkenaan sama ada mereka terus tinggal di Malaysia atau dalam satu tempoh tertentu. Menerusi ini kita akan mengetahui jumlah sebenar populasi rakyat di negara ini melalui pengenalpastian perbezaan antara jumlah Warganegara Malaysia, Jumlah Pelawat Asing yang masuk ke negara kita sebagai pekerja ataupun dengan tujuan melancong.

Hal ini, akan memudahkan Kerajaan untuk merangka dan melaksanakan pelbagai pelan inisiatif mahupun bantuan seperti subsidi bersasar dan lain-lain agar setiap pelaksanaan tersebut dinikmati oleh rakyat di negara kita."

[Menteri Dalam Negeri]

10. PR-1523-U(27)286

Datuk Seri Panglima Madius Tangau [Tuaran] akan mencadangkan :

"Bahawa Dewan ini menerima hakikat bahawa lebih 100,000 calon peperiksaan SPM pada tahun 2022 telah gagal dalam mata pelajaran dan sekaligus gagal mendapat Sijil Pelajaran Malaysia (SPM).

Menerima hakikat juga bahawa kegagalan dalam peperiksaan SPM ini mengakibatkan masa depan yang gelap kepada calon pada purata 70 ribu hingga 100 ribu setahun.

Menerima hakikat bahawa pelajar tercicir ini tidak ada lagi ruang untuk melanjutkan pelajaran maka segolongan pelajar tercicir ini akan menjadi kerugian dalam sumber tenaga kerja negara.

Dan menerima hakikat bahawa matlamat mendidik sebuah generasi pelajar untuk membina dan membangun negara kita telah gagal maka Kerajaan hendaklah mengambil tindakan yang serius terhadap masalah ini.

Maka dengan itu Dewan Yang Mulia ini hendaklah membuat ketetapan agar silibus dan buku-buku teks Subjek Sejarah Tingkatan Satu, Dua, Tiga, Empat dan Tingkatan Lima hendaklah dikaji semula dan sebuah Jawatankuasa Pilihan Khas Parlimen hendaklah ditubuhkan untuk mendapat pandangan daripada setiap lapisan masyarakat daripada seluruh pelusuk negara, dan pada masa yang sama Jemaah Kabinet hendaklah menubuhkan sebuah Jawatankuasa Kabinet Kajian Semula Silibus dan Buku Teks Sejarah yang dianggotai oleh Menteri-Menteri yang mewakili Sabah, Sarawak, Persekutuan Tanah Melayu dan parti-parti politik yang menubuhkan Kerajaan Perpaduan."

[Menteri Pendidikan]

11. PR-1523-U(27)287

Datuk Seri Panglima Madius Tangau [Tuaran] akan mencadangkan :

"Bahawa Dewan ini Menerima hakikat bahawa sebuah Suruhanjaya Siasatan DiRaja yang ditubuhkan oleh Kerajaan suatu ketika dahulu telah berjaya membuat siasatan dan seterusnya telah dibentangkan di Dewan Yang Mulia ini.

Dan menerima hakikat bahawa setelah sekian lama laporan tersebut telah gagal dilaksanakan dan mengakibatkan ketidakpuasan hati sebahagian besar daripada rakyat Malaysia.

Menerima hakikat juga bahawa rakyat tertanya-tanya apakah yang telah terjadi dengan laporan Suruhanjaya Siasatan DiRaja tersebut.

Dan menerima hakikat bahawa kecelaruan urus tadbir Pendatang Tanpa Izin; Penduduk Asing di Sabah yang mempunyai Kad Pengenalan yang meragukan; Peningkatan Bilangan penduduk di Sabah Tanpa Kewarganegaraan ataupun *stateless children* dan kehadiran orang asing yang memegang dokumen IMM13 yang tidak ada halatuju.

Maka Dewan Yang Mulia ini hendaklah membuat ketetapan bahawa sebuah Jawatankuasa Pilihan Khas Parlimen untuk meneliti dan mengkaji semula rekomendasi dan perakuan Laporan Suruhanjaya Siasatan DiRaja Mengenai Pendatang Asing Tanpa Izin untuk merumuskan suatu Road Map penyelesaian tuntas terhadap masalah oleh empat kategori penduduk golongan pendatang asing di Sabah."

[Menteri Dalam Negeri]

12. PR-1523-U(27)290

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan meletakkan sebuah garis panduan untuk sekolah-sekolah bagi pengurusan dana, perbelanjaan, dan juga aktiviti kutipan wang daripada pelajar, ibu-bapa, dan orang ramai. Selain itu, sebuah badan pemantau perlu diwujudkan bagi memastikan garis panduan ini dipatuhi. Ini kerana, kini sudah menjadi sebuah kelaziman untuk pihak-pihak sekolah menganjurkan program-program dan majlis-majlis yang memakan belanja besar, yang menggunakan duit daripada poket pelajar. Sebahagian daripada majlis ini mewajibkan kehadiran, dan sebahagian lainnya adalah secara sukarela. Tetapi harus kita faham, kewujudan jurang ekonomi akan membuatkan wujudnya golongan pelajar yang rasa keciciran sosial disebabkan faktor kewangan keluarga. Ia juga membuat mereka berasa tertekan serta memberi tekanan kepada ibu-bapa, lebih-lebih lagi dalam situasi ekonomi kini. Bukan sahaja untuk majlis, malah sering juga pihak sekolah membuat kutipan wajib bagi pembaharuan infrastruktur, dan kutipan ini kadangkala boleh mencecah ratusan ringgit. Isu ini merupakan sebuah isu yang kurang mendapat perhatian tetapi penting untuk dibawa ke hadapan kerana ia melibatkan sosioekonomi keluarga B40 dan M40 serta kesejahteraan perkembangan minda dan emosi para pelajar yang bakal menjadi teraju negara ini di masa hadapan. Selain itu, dibimbangi jika tiada pemantauan dilakukan, perkara ini akan membuka ruang untuk pihak tertentu mengambil kesempatan."

[Menteri Pendidikan]

13. PR-1523-U(27)291

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan mengambil langkah pro-aktif dalam menangani serta menghentikan kes jenayah dera kanak-kanak di negara ini. Menteri Dalam Negeri pada 14 Mac 2023 melaporkan bahawa terdapat 220 kes kanak-kanak mati akibat penderaan antara tahun 2018 hingga 2022. Data Kementerian Pembangunan Wanita, Keluarga dan Masyarakat antara Januari hingga Jun 2022 juga mendedahkan terdapat 1,055 kes penderaan kanak-kanak di negara ini. Kanak-kanak adalah masa depan negara. Lantaran itu, pihak kerajaan wajar menangani lantas menghentikan kitaran dera ini dengan sebuah target 'Dera Sifar' menerusi langkah-langkah pro-aktif seperti mewajibkan kursus penjagaan anak, mewujudkan sistem pemantauan berkala, meneliti semula undang-undang serta garis panduan berkenaan penjagaan kanak-kanak, meningkatkan kesedaran masyarakat, dan lain-lain."

[Menteri Dalam Negeri]

14. PR-1523-U(27)292

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat menggesa Kerajaan mengambil tindakan yang lebih pro-aktif dan efisien bagi meningkatkan kesedaran, tindak balas, dan kerjasama masyarakat dalam menghadapi bencana alam. Kerajaan telah mengumumkan penubuhan Pusat Bencana Geologi Negara pada akhir tahun ini serta pembangunan Sistem Amaran Awal Tanah Runtuh (SAATR). Inisiatif ini akan dapat meningkatkan kecekapan tindak balas bencana agensi-agensi berkaitan. Bagaimana pula dengan tindak balas masyarakat."

Apa yang telah dan sedang Kerajaan usahakan bagi memastikan rakyat bukan sahaja peka tetapi takut dan patuh kepada arahan yang dikeluarkan oleh pihak berkuasa. Kerajaan perlu menguatkuasakan Akta Pertahanan Awam 1951, Akta 221 bawah seksyen 4 (C) di mana tindakan boleh diambil ke atas mereka yang tidak patuh kepada arahan pihak berkuasa contohnya arahan untuk berpindah dalam situasi banjir yang boleh membahayakan penduduk dan pada masa yang sama memberi risiko kepada penyelamat."

[Perdana Menteri]

15. PR-1523-U(27)293

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan menubuhkan badan siasatan bebas bagi mengenal pasti secara terperinci punca utama yang menyebabkan kekurangan bekalan makanan seperti beras tempatan, ayam dan telur ayam di pasaran serta merangka perancangan penyelesaian jangka pendek dan panjang yang komprehensif termasuk penguatkuasaan terhadap golongan kartel orang tengah serta menambahkan daya pengeluaran bekalan makanan. Rakyat baik dari kalangan pengguna mahupun pengusaha restoran kecil masih mengeluh dengan permasalahan ini yang menyebabkan kenaikan harga bekalan makanan. Kerajaan tidak seharusnya melepaskan tanggungjawab menjaga keterjaminan bekalan makanan kepada individu (sebagai *end user*) mahupun menyarankan penyelesaian jalan mudah seperti menambah import makanan tetapi mencari penyelesaian sepanjang rangkaian jaringan bekalan bahan makanan mentah."

[Menteri Pertanian dan Keterjaminan Makanan]

16. PR-1523-U(27)294

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mewujudkan pusat benih padi khusus di kawasan utara khususnya di Arau, Perlis bagi membekalkan benih-benih padi yang bermutu tinggi dan membolehkan penyelidikan yang agresif dibuat bagi menghasilkan benih padi baru di samping menyelesaikan masalah ketidakcukupan benih padi di pasaran. Pusat Benih Padi adalah penting untuk mengumpul benih padi yang lebih berdaya komersial, lebih berdaya tahan iklim (*climate resistant*) dan sesuai dengan cuaca di kawasan utara Semenanjung Malaysia. Pusat ini juga boleh berperanan menjalankan kajian di peringkat serantau dan melibatkan penyelidik daripada negara-negara jiran seperti Thailand, Indonesia dan Myanmar yang mempunyai tanaman baka padi yang berdaya komersial tinggi."

[Menteri Pertanian dan Keterjaminan Makanan]

17. PR-1523-U(27)295

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji semula peruntukan khas yang boleh diberikan kepada pekebun kecil, penternak dan nelayan yang terjejas akibat situasi iklim yang tidak menentu serta kenaikan harga barang. Kerosakan tanaman dan kematian ternakan seringkali mendatangkan kerugian besar hingga kepada jutaan ringgit setiap kali berlaku bencana alam. Dengan situasi semasa ekonomi negara yang tidak stabil juga secara tidak langsung akan memberi tekanan kepada kos sara hidup pekebun kecil, penternak dan nelayan yang kebanyakannya bergantung harap kepada sumber pendapatan tersebut sahaja. Maka pemberian peruntukan khas ini dapat menambah baik kehidupan mereka."

[Menteri Pertanian dan Keterjaminan Makanan]

18. PR-1523-U(27)296

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyegerakan pembinaan dan baik pulih tembok sempadan Malaysia-Thailand supaya merangkumi keseluruhan perbatasan dari Perlis hingga Kelantan dan menyediakan suatu pelan tindakan komprehensif merangkumi semua agensi Kerajaan bagi kawalan sempadan Malaysia-Thailand. Sempadan Malaysia-Thailand adalah sepanjang kira-kira 656km namun hanya 111 km sahaja yang berpagar. Sebahagian tembok sempadan antara Malaysia dan Thailand di sepanjang Laluan Keselamatan dan Pembangunan (KESBAN) dilihat sudah usang manakala peralatan kamera litar tertutup (CCTV) dan alat pengimbas perlu ditambah, dibaik pulih dan dinaik taraf dengan teknologi terkini seperti penggunaan dron. Beberapa insiden pada masa lalu seperti kes tembakan ke atas pasukan keselamatan negara dan bermaharajalelanya sindiket pemerdagangan manusia seperti yang berlaku di insiden Wang Kelian serta penyeludupan barangan termasuk dadah dan senjata menunjukkan betapa kritikalnya keperluan untuk meningkatkan tahap keselamatan di perbatasan. Kerajaan Malaysia sebelum ini telah memberikan komitmen untuk membina tembok sempadan tersebut tetapi sehingga terkini masih tiada pelan pembangunan komprehensif dan terperinci yang diumumkan. Mohon pihak kerajaan memandang serius perkara ini dengan menyegerakan pembangunan tembok sempadan Malaysia-Thailand secara menyeluruh dan memastikan suatu pelan komprehensif merangkumi semua agensi Kerajaan bagi kawalan sempadan Malaysia-Thailand agar benar-benar berkesan menjamin keselamatan perbatasan negara."

[Perdana Menteri]

19. PR-1523-U(27)297

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya agihan peruntukan pembangunan dan pelaksanaan projek pembangunan di peringkat negeri diberikan mengikut keutamaan dan keperluan Kerajaan Negeri. Berdasarkan pelan RMK-12, enam negeri kurang membangun akan terus diberi keutamaan dengan agihan sekurang-kurangnya 50% daripada keseluruhan peruntukan Perbelanjaan Pembangunan Asas Persekutuan. Namun begitu, terdapat beberapa projek yang diluluskan oleh Kerajaan Persekutuan tidak mengambil kira cadangan dan hasrat Kerajaan Negeri khususnya di Perlis untuk mempelbagaikan fungsi sesuatu projek sedangkan Kerajaan Negeri mempunyai dasar serta hala tuju yang telah mengambil kira pelbagai keperluan dan kehendak semasa serta pada masa hadapan. Misalnya, Projek Lencongan Banjir Barat Timah Tasoh yang telah dilaksanakan pada tahun 2015, di mana dalam pembinaan terowong banjir terdapat skop pembinaan pada item pencahayaan di dalam terowong berjumlah RM300 ribu. Namun, skop berkenaan telah dikeluarkan atas alasan penjimatan. JPS Perlis selaku pelaksana projek telah membangkitkan perkara ini supaya dikekalkan atas faktor keselamatan dan memudahkan kerja pemantauan serta penyelenggaraan di dalam terowong di masa hadapan. Akan tetapi, ianya masih tetap dikeluarkan daripada skop asal projek."

[Menteri Ekonomi]

20. PR-1523-U(27)298

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya mengkaji dan merancang satu inisiatif khas bagi memastikan setiap rakyat dan keluarga Malaysia terutamanya dari golongan B40 dan M40 mampu memiliki kediaman pertama dengan menyediakan rumah mampu milik berharga RM200,000 dan ke bawah baik di luar dan di dalam bandar. Kerajaan tidak boleh hanya memperkenalkan inisiatif yang hanya sekadar '*rebranding*' daripada Kerajaan sebelum ini kerana perubahan yang besar perlu dilakukan bagi mendepani kenaikan kos pembinaan disebabkan kenaikan harga barang binaan. Dasar Perumahan Negara (2018-2025) sendiri memperakui bahawa isu kemampuan memiliki rumah semakin ketara di kalangan rakyat dan impak kenaikan harga rumah yang mendadak turut dirasai golongan M40 selain B40. Inisiatif khas untuk menyediakan kemudahan rumah pertama pada harga di bawah RM200,000 dan ke bawah ini hendaklah dijadikan salah satu sasaran kajian semula Dasar Perumahan

Negara dan memerlukan input dari pelbagai Agensi dan Kementerian serta pihak bukan Kerajaan dan bukan dari satu Kementerian sahaja. Isu kemampuan memiliki rumah pertama jika tidak ditangani akan mewujudkan generasi rakyat yang sentiasa menyewa tanpa mendapat peluang memiliki perumahan sendiri. Golongan generasi ini juga akan terus menjadi mangsa kepada harga hartanah yang melambung akibat spekulasi hartanah dan tanpa kawalan harga sehingga menjadikan harga di luar kemampuan sebenar golongan M40 dan B40."

[Perdana Menteri]

21. PR-1523-U(27)299

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan melaksanakan segera projek-projek tebatan banjir di seluruh negara untuk memastikan projek ini dilaksanakan secara holistik dan dapat mencari jalan penyelesaian kepada isu banjir yang semakin meruncing akibat kesan perubahan iklim dan pembangunan yang tidak mesra alam. Antara projek yang perlu dilaksanakan segera adalah seperti Projek Pembangunan Sungai Bersepadu (PLSB) Sungai Golok (KESBAN) dan Sungai Kelantan. Dengan pembinaan projek tersebut, risiko banjir besar dapat dikurangkan. Di samping itu, projek tebatan banjir di Selangor khususnya di Shah Alam dan bandar Kuala Lumpur juga diharapkan dapat dilaksanakan dengan komprehensif agar dapat menangani masalah banjir kilat."

[Menteri Sumber Asli, Alam Sekitar dan Perubahan Iklim]

22. PR-1523-U(27)300

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa supaya Kerajaan melaksanakan satu perancangan persediaan dan pengurusan risiko bagi menghadapi bencana alam dapat disemak semula akibat impak perubahan iklim yang sangat drastik sejak kebelakangan ini. Hal ini demikian kerana perancangan rapi penting bagi memastikan tahap kesiapsiagaan anggota terlibat berada di tahap yang tinggi. Di samping itu, Kerajaan juga perlu merencana satu langkah holistik bagi mendidik masyarakat agar bersiaga siaga untuk menghadapi bencana alam kerana kesedaran terhadap isu ini di dalam kalangan masyarakat masih berada di tahap yang rendah berdasarkan peristiwa bencana alam yang lepas."

[Perdana Menteri]

23. PR-1523-U(27)301

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya membentuk satu pasukan petugas khas bagi memberi perhatian terhadap isu pencerobohan sempadan yang berlaku di Sabah dan Sarawak. Seperti di ketahui, Sabah dan Sarawak pula berkongsi sempadan darat sejauh 2,019.5km dengan Kalimantan, Indonesia. Daratan Negara Brunei Darussalam dibatasi sepenuhnya oleh Sarawak sepanjang 481.3km. Kebanyakan kawasan perbatasan Malaysia bersama negara-negara jirannya terletak di kawasan perbukitan yang diliputi hutan tebal dan kawasan perairan laut menyebabkan kawalan terhadap kawasan-kawasan ini sulit dilakukan. Oleh sebab itu, masalah pencerobohan, penyeludupan, pemerdagangan manusia dan perdagangan narkotik adalah antara isu yang saban tahun masih berlaku dan sukar ditumpaskan. Dengan siapnya Lebuhraya Sematan – Telok Melano juga baru-baru ini secara tidaklangsungnya meningkatkan risiko pencerobohan sempadan sama ada melalui darat dan laut terutamanya melalui Taman Negara Tanjong Datu. Oleh hal yang demikian, tindakan segera Kerajaan bagi mencari solusi terbaik kepada masalah kawalan sempadan ini adalah amat diharapkan."

[Menteri Dalam Negeri]

24. PR-1523-U(27)302

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya melaksanakan tindakan kawalan yang lebih ketat berkenaan jualan arak. Garis panduan yang khusus perlu dikaji dan diwujudkan oleh Kerajaan bagi mengawal penjualan arak yang meliputi waktu dan tempat jualan arak yang seragam dan boleh diguna pakai di seluruh negara bagi tujuan mengelakkan masalah sosial yang sering timbul seperti masalah rumah tangga dan kemalangan jalan raya. Oleh yang demikian, keseragaman tindakan daripada Kementerian Kewangan dan Pihak Berkuasa Tempatan (PBT) adalah amat diperlukan sekiranya ingin melaksanakan tindakan kawalan yang lebih ketat terhadap jualan arak kerana ketika ini ketidakseragaman tindakan antara dua entiti ini menjadi antara punca kawalan jualan arak tidak dapat dilaksanakan secara efektif dan efisien."

[Menteri Kewangan]

25. PR-1523-U(27)303

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan bersikap adil dalam mengamalkan kebebasan media di Malaysia. Kerajaan tidak seharusnya menjadikan Suruhanjaya Komunikasi Multimedia Malaysia (SKMM) sebagai alat politik untuk menyekat mana-mana isi kandungan media yang tidak '*pro*' Kerajaan atau tidak sependapat dengan Kerajaan. YAB Perdana Menteri yang memerintah Kerajaan pada masa ini telah berikrar dalam manifestonya untuk memastikan hak kebebasan bersuara dan melindungi kebebasan media. Namun, keadaan sebaliknya berlaku selepas beberapa bulan beliau membentuk Kerajaan. Lebih mendukacitakan, kebebasan media yang diwar-warkan Kerajaan hanyalah terhad kepada '*pro*' Kerajaan sahaja, manakala parti pembangkang secara halus dikenakan sekatan kepada akses media. Mana-mana media rasmi Kerajaan mahupun swasta tidak diberi kebenaran untuk menyiarkan berita mengenai parti pembangkang mahupun pihak yang menentang Kerajaan. Oleh demikian, Kerajaan digesa supaya berlaku adil dalam menyalurkan maklumat kepada rakyat. Tindakan ini adalah penting untuk memastikan hak kebebasan media tidak dicabul sewenang-wenangnya oleh pihak-pihak tertentu."

[Menteri Komunikasi dan Digital]

26. PR-1523-U(27)304

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan supaya menyediakan perancangan, peruntukan dan prasarana kepada pelajar-pelajar universiti, kolej, STPM dan SPM bagi menghadapi kaedah pembelajaran alaf baru seperti pembelajaran dalam talian dan menggunakan media elektronik. Ini bagi membolehkan dan mendedahkan mereka ke alam teknologi siber dan e-pembelajaran yang semakin berkembang yang seterusnya memerlukan guru-guru yang terlatih dalam pendidikan alaf baru."

[Menteri Pendidikan]

27. PR-1523-U(27)305

Dato' Seri Dr. Shahidan bin Kasim [Arau] akan mencadangkan :

"Bahawa Dewan Rakyat ini menggesa Kerajaan mengkaji semula kawasan keluar dan masuk sempadan Malaysia-Thailand di Wang Kelian, Perlis. Sebelum ini, penduduk kedua-dua negara boleh menikmati kemudahan bergerak sehingga dua kilometer tanpa menggunakan pasport atau pas sempadan pada hari minggu. Kuatkuasa itu pernah dibuat bermula tahun 1993 hingga 2015. Akan tetapi, penarikan semula kemudahan kebebasan bergerak ini telah dibuat pada tahun 2015 kerana penemuan rangka manusia mangsa sindiket pemerdagangan manusia yang dipercayai etnik Rohingya. Susulan itu, Wang Kelian menjadi pekan mati hingga kini. Kerajaan Negeri Perlis cuba membangunkan semula kawasan pelancongan di Wang Kelian, namun ianya tidak semeriah dahulu. Justeru itu, Kerajaan diharapkan dapat mengkaji dan mempertimbangkan semula untuk memberi kemudahan bergerak di antara kedua-dua negara seperti sebelum ini. Dengan kemudahan tersebut, ianya akan dapat menjana semula perkembangan ekonomi khususnya buat penduduk tempatan yang sebelum ini amat rancak sebelum ditutup sepenuhnya pada tahun 2015. Semasa adanya '*Free Flow*' ini, Wang Kelian merupakan satu destinasi pelancongan yang amat meriah dan telah memberi ruang kepada peniaga-peniaga kecil di Perlis dan juga Selatan Thailand menambahkan pendapatan mereka."

[Menteri Dalam Negeri]

****UCAPAN-UCAPAN**
(PERATURAN MESYUARAT 17)
(KAMAR KHAS)

Tarikh Ucapan	Ahli Yang Berucap	Tajuk Ucapan	Menteri Yang Bertanggungjawab
1. 25.10.2023 (Rabu)	1. YB Tuan Chiew Choon Man (Miri)	1. Perancangan untuk Mengembangkan Industri Pelancongan Wilayah Utara Sarawak	1. YB Menteri Pelancongan, Seni dan Budaya
2. 25.10.2023 (Rabu)	2. YB Tuan Chiew Choon Man (Miri)	2. Perancangan untuk Menaik Taraf Ibu Pejabat Polis Daerah Miri dan Balai Polis Pusat Miri	2. YB Menteri Dalam Negeri
3. 25.10.2023 (Rabu)	3. YB Tuan Abdul Latiff bin Abdul Rahman (Kuala Krai)	3. Cadangan Membina Semula Jambatan Kampung Belanga	3. YB Menteri Kemajuan Desa dan Wilayah
4. 25.10.2023 (Rabu)	4. YB Tuan Abdul Latiff bin Abdul Rahman (Kuala Krai)	4. Isu Banjir Kilat di Laluan D219 Bukit Sireh ke Kuala Nal	4. YB Menteri Sumber Asli, Alam Sekitar dan Perubahan Iklim

**** Ucapan Di Bawah Usul Berkenaan Perkara Tadbir Kerajaan (Peraturan Mesyuarat 17)**